

498/I-26

3-8-2026.

UNIVERZITET U SARAJEVU -
Institut za istraživanje zločina protiv
čovječnosti i međunarodnog prava
KOMISIJA ZA IZBOR U ISTRAŽIVAČKO ZVANJE

Sarajevo, 3. august 2026.

VIJEĆU

Univerzitet u Sarajevu - Institut za istraživanje
zločina protiv čovječnosti i međunarodnog prava

PREDMET: *Izveštaj Komisije za izbor u istraživačko zvanje stručni saradnik - bachelor prava (1 izvršilac)*

Na osnovu člana 29. Zakona o naučnoistraživačkoj djelatnosti Kantona Sarajevo ("Službene novine Kantona Sarajevo", broj 26/16) i člana 113. Statuta Univerziteta u Sarajevu, Vijeće Univerziteta u Sarajevu - Instituta za istraživanje zločina protiv čovječnosti i međunarodnog prava je na 18. elektronskoj sjednici održanoj 27. jula 2026. godine donijelo *Odluku o imenovanju Komisije za izbor u istraživačko zvanje stručni saradnik - bachelor prava (1 izvršilac)*, broj: 483-1/I-26, u sastavu:

- Dr. sci. Almir Grabovica, naučni saradnik Univerziteta u Sarajevu - Instituta za istraživanje zločina protiv čovječnosti i međunarodnog prava, predsjednik;
- Dr. sci. Sabina Subašić-Galijatović viša naučna saradnica, Univerziteta u Sarajevu - Instituta za istraživanje zločina protiv čovječnosti i međunarodnog prava, članica Komisije;
- Dr. sci. Alma Hajrić-Čaušević naučna saradnica, Univerziteta u Sarajevu - Instituta za istraživanje zločina protiv čovječnosti i međunarodnog prava, članica Komisije.

Na osnovu Odluke Senata Univerziteta u Sarajevu o davanju saglasnosti broj: 01-14-12/26 od 24. juna 2026. godine i saglasnosti Vlade Kantona Sarajevo broj 02-04-20555-42/26 od 23. aprila 2026. godine, objavljen je Konkurs za izbor u istraživačko zvanje stručni saradnik - bachelor prava (1 izvršilac) u dnevnom listu „Dnevni avaz“ i na web stranici Univerziteta u Sarajevu - Instituta za istraživanje zločina protiv čovječnosti i međunarodnog prava, dana 27. juna 2026. godine. Zadatak Komisije bio je da, u skladu sa članom 29. Zakona o

naučnoistraživačkoj djelatnosti Kantona Sarajevo („Službene novine Kantona Sarajevo“, broj 26/16), proveđe konkursnu proceduru, razmotri blagovremeno pristigle prijave i izvrši ocjenu ispunjenosti uslova propisanih Konkursom. Nakon izvršenog uvida u dostavljenu dokumentaciju i analize prijava kandidatkinja, Komisija je sačinila ovaj Izvještaj sa prijedlogom za izbor u traženo istraživačko zvanje i dostavlja ga Vijeću Univerziteta u Sarajevu - Instituta za istraživanje zločina protiv čovječnosti i međunarodnog prava. Komisija je izvršila uvid u Potvrdu Odjela za opće i pravne poslove Univerziteta u Sarajevu - Instituta za istraživanje zločina protiv čovječnosti i međunarodnog prava broj: 458/I-26 od 15. jula 2026. godine, kojom je potvrđeno da su na raspisani Konkurs blagovremeno pristigle dvije prijave.

Komisija je, nakon uvida u dostavljenu dokumentaciju, utvrdila da su na raspisani Konkurs, u predviđenom roku, dostavljene sljedeće prijave:

- 1. Nizama Husetić-Madžak** (prijava zaprimljena 2. jula 2026. godine, broj: 428/I-26)
- 2. Adna Dević** (prijava zaprimljena 6. jula 2026. godine, broj: 438/I-26)

Nakon izvršenog uvida u dostavljenu dokumentaciju i analize prijava kandidatkinja, Komisija podnosi Vijeću Univerziteta u Sarajevu - Instituta za istraživanje zločina protiv čovječnosti i međunarodnog prava (dalje: Institut) sljedeći:

I Z V J E Š T A J
SA PRIJEDLOGOM ZA IZBOR U ISTRAŽIVAČKO ZVANJE STRUČNI
SARADNIK - BACHELOR PRAVA

1. NIZAMA HUSETIĆ-MADŽAK

Kandidatkinja Nizama Husetić-Madžak u prijavi na Konkurs dostavila je prijavu za izbor u istraživačko zvanje, biografiju (CV) sa bibliografijom, diplomu o završenom prvom ciklusu studija na Pravnom fakultetu Univerziteta u Sarajevu sa dodatkom diplomi, iz koje je vidljivo da

je ostvarila prosječnu ocjenu 7,84 (ovjerena kopija), potvrdu o upisu na drugi ciklus studija i uvjerenje o položenim ispitima drugog ciklusa studija (ovjerena kopija), uvjerenje o državljanstvu (original), dokaze o obavljenom pripravničkom stažu i stručnim praksama, potvrde o učešću u međunarodnim i domaćim stručnim i edukativnim programima, potvrde o objavljenim stručnim radovima, potvrde o učešću na konferencijama, seminarima i projektima, kao i drugu dokumentaciju propisanu Konkursom.

Kandidatkinja Nizama Husetić-Madžak rođena je 17. marta 2002. godine u Bihaću. Prvi ciklus studija završila je na Pravnom fakultetu Univerziteta u Sarajevu, čime je stekla akademsko zvanje bachelor prava. Trenutno pohađa drugi ciklus studija na Pravnom fakultetu Univerziteta u Sarajevu, na Katedri za pravnu historiju i komparativno pravo, gdje istraživački interes usmjerava na oblasti međunarodnog krivičnog prava, međunarodnog javnog prava, ljudskih prava i tranzicijske pravde.

Uvidom u Potvrdu Odjela za opće i pravne poslove Instituta broj 458/I-26 od 15. jula 2026. godine kojom je „utvrđeno da kandidatkinja Nizama Husetić-Madžak ne ispunjava minimalni zakonski uslov za izbor u istraživačko zvanje, propisan članom 29. Zakona o naučnoistraživačkoj djelatnosti Kantona Sarajevo, budući da je na prvom ciklusu studija ostvarila prosječnu ocjenu 7,84.“ Uvidom u dostavljenu dokumentaciju kandidatkinje **Komisija je također utvrdila da kandidatkinja ne ispunjava propisani minimalni uslov za izbor u istraživačko zvanje stručni saradnik - bachelor prava, budući da ostvareni prosjek ocjena na prvom ciklusu studija ne doseže zakonom utvrđeni minimum.**

Komisija je istovremeno uvidila da kandidatkinja posjeduje stručne i akademske reference relevantne za oblasti djelovanja Instituta. Međutim, imajući u vidu da kandidatkinja ne ispunjava zakonom propisani minimalni uslov za izbor u istraživačko zvanje, Komisija nije detaljnije razmatrala njenu prijavu, niti je u mogućnosti predložiti njen izbor u istraživačko zvanje stručni saradnik - bachelor prava.

2. ADNA DEVIĆ

Kandidatkinja Adna Dević u prijavi na Konkurs dostavila je biografiju (CV) sa bibliografijom, diplomu o završenom prvom ciklusu studija na Pravnom fakultetu Univerziteta u

Tuzli, kojom je stekla akademsko zvanje bachelor prava sa ostvarenih 240 ECTS bodova, uvjerenje o prosjeku ocjena (8,91), uvjerenje o državljanstvu, potvrdu o nastavku obrazovanja na drugom ciklusu studija iz oblasti krivičnog prava, potvrdu Memorijalnog centra Srebrenica - Potočari o učešću u naučnoistraživačkim, dokumentacijskim i memorijalnim projektima, potvrdu o angažmanu na projektu usmene historije Memorijalnog centra Srebrenica, potvrdu o saradnji sa Udruženjem boraca „Patriotska liga“ općine Vogošća, kao i potvrde o stručnom usavršavanju i drugim aktivnostima relevantnim za oblast konkursa, među kojima je i originalna Potvrda Rezidualnog mehanizma za krivične sudove o završenom programu Ujedinjenih nacija o međunarodnom pravu i činjenicama utvrđenim pred Međunarodnim krivičnim tribunalom za bivšu Jugoslaviju.

Uvidom u Potvrdu Odjela za opće i pravne poslove Instituta broj 458/I-26 od 15. jula 2026. godine kojom je „uvidom u dostavljenu dokumentaciju utvrđeno da kandidatkinja Adna Dević ispunjava sve uslove u skladu sa Zakonom o naučnoistraživačkoj djelatnosti i raspisanim konkursom.“ Na osnovu izvršenog uvida u dostavljenu dokumentaciju, **Komisija je također, utvrdila da kandidatkinja Adna Dević ispunjava uslove** propisane Konkursom za izbor u istraživačko zvanje stručni saradnik - bachelor prava iz oblasti pravnih nauka.

Kandidatkinja Adna Dević rođena je 5. februara 1999. godine u Tuzli. Prvi ciklus studija završila je na Pravnom fakultetu Univerziteta u Tuzli, čime je stekla akademsko zvanje bachelor prava. Trenutno pohađa drugi ciklus studija iz oblasti krivičnog prava, sa posebnim usmjerenjem na maloljetničko krivično pravo. Tema njenog master rada je „Kazna maloljetničkog zatvora u Bosni i Hercegovini i uporednim pravnim sistemima“.

Analizom biografije i priložene dokumentacije Komisija je utvrdila da kandidatkinja pokazuje interes za oblasti relevantne za djelatnost Instituta, posebno međunarodno krivično pravo, međunarodno humanitarno pravo, ljudska prava, tranzicijsku pravdu, kulturu sjećanja i dokumentovanje činjenica o najtežim povredama ljudskih prava.

Poseban segment njenog profesionalnog i istraživačkog angažmana predstavlja rad u Memorijalnom centru Srebrenica - Potočari, gdje je učestvovala u naučnoistraživačkim, aktivnostima, posebno povodom obilježavanja 30. godišnjice genocida nad Bošnjacima u Srebrenici, gdje je dala doprinos istraživačkim i dokumentacijskim aktivnostima, kako se navodi u Potvrdi. U okviru angažmana u Memorijalnom centru Srebrenica učestvovala je u realizaciji projekata usmene historije, dokumentovanju svjedočanstava preživjelih, organizaciji javnih i

naučnih programa, kao i aktivnostima usmjerenim na očuvanje činjenica o genocidu i razvoj kulture sjećanja. U Potvrdi Memorijalnog centra Srebrenica – Potočari navodi se da je „svojim odgovornim, profesionalnim i posvećenim pristupom radu, pokazala visok stepen angažovanosti, organizacijskih sposobnosti i razumijevanja složenog memorijalnog i istraživačkog konteksta u kojem je djelovala“.

Komisija je također posebno uzela u obzir kontinuirano stručno usavršavanje kandidatkinje kroz međunarodne obrazovne programe iz oblasti međunarodnog prava, ljudskih prava i tranzicijske pravde. Poseban značaj ima završeni program Ujedinjenih nacija „International Law and Facts Established before the International Criminal Tribunal for the former Yugoslavia (ICTY)“, realiziran u okviru Mechanism Information Programme for Affected Communities pri Međunarodnom rezidualnom mehanizmu za krivične tribunale (IRMCT). Kroz navedeni program kandidatkinja je stekla dodatna znanja iz oblasti međunarodnog krivičnog prava, prakse ICTY-a i IRMCT-a, sudski utvrđenih činjenica, međunarodnih presuda i korištenja arhivske građe, što je od velikog značaja za naučnoistraživački rad u oblastima kojima se Institut bavi.

Pored navedenog, Komisija je uzela u obzir i potvrđeni angažman kandidatkinje u saradnji sa Udruženjem boraca „Patriotska liga“ općine Vogošća, kroz aktivnosti usmjerene na očuvanje kulture sjećanja, organizaciju memorijalnih i edukativnih programa te afirmaciju vrijednosti odbrambeno-oslobodilačkog rata Armije Republike Bosne i Hercegovine. Komisija smatra da navedeni angažman predstavlja dodatno iskustvo relevantno za djelatnost Instituta.

Pored toga, kandidatkinja je kroz profesionalni angažman u oblasti pravnih i projektnih poslova te stručno osposobljavanje u Agenciji za državnu službu Federacije Bosne i Hercegovine stekla iskustvo u radu sa pravnom dokumentacijom, izradi pravnih akata, institucionalnim procedurama i administrativno-pravnim poslovima.

Kandidatkinja aktivno koristi engleski i turski jezik, što predstavlja dodatnu kompetenciju značajnu za rad Instituta. Na osnovu dostavljene dokumentacije vidljivo je da kandidatkinja posjeduje razvijene komunikacijske i istraživačke sposobnosti, potvrđene kroz javno pisanje, urednički angažman, rad sa mladima i objavljivanje stručnih i društveno relevantnih tekstova.

Na osnovu cjelokupne dostavljene dokumentacije, Komisija konstatuje da kandidatkinja Adna Dević posjeduje odgovarajuće formalno obrazovanje, stručne kompetencije, istraživački potencijal i iskustvo relevantno za izbor u istraživačko zvanje stručni saradnik - bachelor prava.

KONAČAN PRIJEDLOG KOMISIJE


Na osnovu uvida u dostavljenu dokumentaciju, izvršene analize prijava kandidatkinja i prethodno utvrđenih činjenica, Komisija konstatuje da kandidatkinja Nizama Husetić-Madžak ne ispunjava zakonom propisani minimalni uslov za izbor u istraživačko zvanje, dok kandidatkinja Adna Dević ispunjava sve uslove propisane Konkursom za izbor u istraživačko zvanje stručni saradnik - bachelor prava iz oblasti pravnih nauka.

Imajući u vidu sve navedene činjenice iz Izvještaja i izvršenu analizu dostavljene dokumentacije, Komisija predlaže Vijeću Instituta da izvrši izbor kandidatkinje Adne Dević u istraživačko zvanje stručni saradnik - bachelor prava. Komisija konstatuje da kandidatkinja svojim obrazovanjem, stručnim kompetencijama, dosadašnjim istraživačkim potencijalom ispunjava pretpostavke za uspješno obavljanje poslova i dalji profesionalni razvoj u okviru naučnoistraživačke djelatnosti Instituta.

Komisija:



Dr. sci. Almir Grabovica, predsjednik



Dr. sci. Sabina Subašić-Galijatović, članica Komisije



Dr. sci. Alma Hajrić-Čaušević, članica Komisije